



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 696. Fidei commissum particulare & legatum an & qualiter
differant.

[urn:nbn:de:hbz:466:1-73957](#)

specialiter in divisione illa comprehenduntur juxta L. *tres fratres. ff. de pactis. L. de certa. c. de transact. Secundo*, ut procedat, five scirent heredes, five ignoraverint fideicommissum reciprocum factum in testamento; cum ignorantia haec non praejudicet, dum ignorans nihil remittere potest juxta L. *mater decedens. ff. de inoff. testam. L. in repudianda. ff. de acquir. hered.* Tertio, ut procedat, non solum in divisione voluntaria, quam heredes ex conventione privata instituunt, sed & in divisione facta per Judgetem vel arbitrum; cum Judget derogare non possit iuri futuro, & actus, qui ex causa de præterito tantum vim capiunt, non includant actus futuros. per L. *qui cum tutoribus. ff. de transact.* Bald. *cit. conf. 440.*

3. Limitat è contra hanc sententiam. n. 6. & seq. ut ea non procedat, si expressè fideicommissum renunciatum est, dum nimis tempore divisionis scientiam illius habuerunt heredes inspectis tabulis testamentariis; qualiter posse expresse renunciari fideicommissum conditionaliter certi juris esse, ait Idem. n. 8. per l. 1. & L. *cum proponis. de pactis & DD. ibidem.* concludentes talem renunciationem & remissionem fideicommissi favorabilem esse, èo quod per eam votum captanda mortis afferatur, & concordia inter fratres alatur, serveturque æqualitas, ut Jason in cit. l. 1. c. *de pactis. n. 2.* uti & in L. *fideicommisso. c. de transact.* ubi dicitur fideicommissum pacto remitti posse. n. 1. & alii. Qualis tamen renunciatio, eti expressa, non viles tabulis, non sufficeret; cum transaction super his, qua ex testamento pendent, non valeat, nisi expresse testamenti fiat mentio. unde pro cautela apponi debent haec verba: inspectis cognitisque testamento verbis, ut tradit cum aliis Gail. num. 9. & 10.

§. III.

De fideicommissis particularibus & Legatis. ubi & de falci- dia.

*Quæst. 696. Fideicommissum particu-
lare & legatum an & qualiter dif-
ferant?*

1. Esp. ad primum: tametsi inter fideicommissa particularia & legata antiquo iure magna esset differentia, hodierno tamen iure in omnibus omnino adæquantur, nullaque est inter ea diversitas, intellige, quo ad effectum, pro ut constat ex claris textibus. l. 1. ff. *de legat.* l. 1. 2. c. *communia de legat.* §. sed non *Instit. de legat.* ac proinde quidquid quo ad rem ipsam, causam, objectum, subjectum, sicut in sequentibus dicetur de fideicommisso particulari, idem de legato dictum esse censendum est. Per hanc tamen adæquationem differentia eorum essentialis consistens in modo, quo constituantur seu relinquuntur, sublata non est, ut ait Lauter. *ad SC. Trebell. §. 40.* dum fideicommissum singulare constituitur verbis indirectis & obliquis, id est factis, non immediate & directis ad fideicommissarium, sed ad alium, præcipue heredem directis. v. g. jubeo vel rogo Cajum heredem meum, ut hanc meam dominum vel centum aureos Titio det & restituat. Legatum vero verbis directis immediate ad fideicommissarium. v. g. Titio lego meam dominum vel 100. aureos. his itaque præmissis.

2. Resp. ad secundum primo: Legatum acceptum, pro ut in ff. tribus illis libris. 30. 31. 32. accipiolet, pro ipso actu seu dispositione & voluntate,

quæ res aliqua legatur, definiri potest cum Lauter. in ff. *de legat. & fideicom. §. 3.* quod sit contestatio ultima, quæ res aliqua titulo particulari verbis directis alicui relinquitur. Dicitur autem primò: *contesta-* *tio*, intellige voluntatis seu volitio ultima: per quod à donatione mortis causa distingui videtur; cum hac licet quod ad effectum etiam numeretur inter voluntates ultimas; quod ad modum tamen constituent potius inter conventiones referatur. Lauter. l. c. Dicitur secundò: *particulari titulo*: ad distinctionem ab institutione in heredem, quæ fit titulo universalis, etiæ hæres instituuntur non nisi in una parte hæreditatis. Dicitur tertio: *directis verbis*: per quod, ut dictum, distinguitur à fideicommisso.

3. Resp. ad secundum secundò: legati accepti pro re ipsa quæ legatur, tolerari potest definitio, quæ afferri communius solet ex §. 1. *Instit. de legat.* quod sit donatio quædam à defuncto relicta, praestanda ab herede. Dicitur autem primò: *donatio*: quod est loco generis, in quo convenit cum aliis donationibus, etiam factis causâ mortis designataque legatum esse donum omnino gratuitum & purum collatum absque omni onere legatario, quippe qui inde purum lucrum percipit, ac proinde per hoc distinguatur à testamento & institutione heredis, utpote quæ plura sœpe habet annexa onera. Additur tamen quædam: quæ est nota aliqua improprietas, ut Lauter. l. c. ac si non esset omnino propriè dicta donatio, utpote quæ requirit acceptationem; legatum vero etiam inciso omnino fieri potest; donatio item non nisi vivente donatore fiat, quamvis, etiam alii per hanc particularum denotare velint, quod sit donatio rei cuiusdam particularis; cum legata non nisi circa res particulares in specie vel potius in individuo fiant. Ac ita pro hoc etiam fideicommissum particularē differt à fideicommisso universalis, cui aliis tota definitio convenit, etiam dum id cadit super aliquam partem hæreditatis, v. g. tercia tantum; cum res certa hæreditatis non sit idem cum parte certa hæreditatis juxta l. 13. c. *de hered. institut.* quia certa pars hæreditatis, v. g. tercia participet de quavis certa re hæreditatis. Reiffenst. b. t. n. 631. Dicitur tertio: à *defuncto*: ad differentiam donationis inter vivos: quæ statim ac fit & acceptatur, donatore adhuc vivo, robur suum habet & valet, dum legatum non nisi post mortem legitimis firmitatem habeat, utpote usque ad mortem illius semper revocabile. Dicitur quartò: *relicta*: quod verbum, quia de actu legandi intelligi nequit, patet, non definiri legatum acceptum pro actu legandi uti pro eo acceptum definitur, si loco illius poneretur facta, suadetque id ipsum, quod ut notat Lauter. l. c. in iure verbalia in toto rem ipsam denotant, v. g. dum thesaurus dicitur depositio; cum tamen sit res deposita dum servitus dicitur *conservatio juris*: quæ tamen potius est constitutum. Dicitur denique: *ab herede praestanda*: quæ verba etiæ plures omittant; èo quod legatum ipso iure recta via post mortem testatoris transit in legatorium juxta l. 64. ff. *defurt.* quia tamen hoc ipsum intelligendum de dominio legati, vel saltem de certo jure ad illud, quod statim à die mortis testatoris sine ministerio alterius transit ad legatorium: & non de possessione illius, quæ regulariter ab herede exspectanda & accipienda, ita ut, si legatus eam propria autoritate apprehendat, convenienti possit per interdictum legatorum; quamvis interdum ab alio, puta, herede hæredis, vel etiam ab ipso testatore praestetur, de quo in sequentibus. hinc inquam dicta verbarectius retinentur.

Quæst.